

吉林省旧志资料类编

林牧渔篇

一、森林分布与林产资源

1. 吉林省林区分布

长白山森林 蜿蜒于省南及朝鲜北境。东自平顶山，西迄奉天界及伊尔哈雅范山，南临鸭绿江，北至尔雅蛮哈建山，广袤千里。针叶树居十之七，阔叶树居十之三，就中以松、柞、榆、桦最多，柏、松、榛、杨次之，大者高十余丈。

图门江上流森林 大半在朝鲜，省内仅有布尔哈通河、吉雅河及琿春河等处，以楸、椴、松、桦、柞等树最多，最大者高七八丈。

松花江上流森林 仅二道江沿岸一带森林，岁出木材即有三千余根，柞居十五，松、柏十三，榆、椴各一。他如穆琴河、五虎石及八大河等处，皆盛产之。松之大者高二十丈，岁产木材数万根，价值数万元，即薪材亦达万元左右。

小白山森林 东自宁安，西至拉林河，张广才岭一带。盛产柞、杨、榆、松、桦、柳亦多。

纳丹哈达拉山脉森林 在宁安东北，围牡丹江、穆棱河、松花江、乌苏里江一带。

拉林河上流森林 小白山西侧四合川地方，为林产要区，多产松树，桦、榆次之。

牡丹江上流森林 沿岸古已采伐，今乏良材，宁安附近多松，百十丈，专供材用。

锡呼特阿岭森林、庙及尔岭森林 傍东省路线，

今少良木，距路稍远，犹多森林。

此外尚有密山县森林、依兰地方森林、诺罗河上流森林等处亦多，不遑枚举。

《大中华吉林省地理志》 17/85/169—170

2. 吉林省四大林区

森林为我国宝藏之一，凡北部之兴安岭山系及本省各山脉，大抵皆浮青泼翠，一望无涯，亘古未经砍伐之大森林。然类皆穷山峻岭，漫无蹊径，人迹罕至，调查惟艰。惟长白、松花之间，自俄、日踏来，输轨交错，古树渐感斧斤之痛，国宝日张森森之象。兹述本省森林之概况于下：

满语名森林为窝集。昔箕子之王朝鲜，卫满之渡濒水（鸭绿江），足迹未入松花，版图不逾长白。自兴京以东，汉有沃沮，隋有勿吉，唐有拂捏，辽有屋惹，明有屋集，皆肃慎之苗裔，实窝集之转音。国于窝集斯以窝集名之，而传述中土译音互异也。由是可见本省森林弥漫，汉时已然。肃慎资林为生，不治农业。清代发祥于吉林，尊为圣地。敦化、桦甸、延吉一带封禁二百余年，林益芜茂。全省大窝集向称四十有八，实际或不止此数。学者为便于研究起见，曾括为四大区域如下：

（1）长白正干区 是为东南区。西起松花江东源二道江之东，东北延经牡丹江上游之东南及老松岭以东，抵东宁境内小绥芬河以南；南起图们江以北。概括观之：则牡丹江上游图们江绥芬河间之大森林带

也。周围约一千七八百里，为松、柏、桦、椴、柞、榆、杨之林。为窝集十有三处，分布于延、珲、和、汪、敦、宁、东七县之境。

(2) 完达区 是为东北区。南起牡丹江支流蛤蟆河源与小绥芬河西源夹板河源间之关老婆岭，北抵松花江，西至牡丹江，东至乌苏里江。周围二千余里，为松、桦之林。以窝集称者有二十处，分布于宁、东、穆、依、勃、密、桦、富、宝、虎、饶、同、抚等十三县之境。

(3) 老岭区 是为中区。南起松花江东源二道江之北，东至牡丹江，北西两面均以松花江为界。周围二千余里，为松、椴、柞、杨、榆、桦、柳之林。以窝集名者凡十有二，分布于敦、甸、永、额、舒、榆、五、苇、宁、方、寿、珠、宾等十三县之境。

(4) 吉林哈达区 是为西南区。南起松花江西源（头道江）之西，西及西南止于省界，北尽于长春、德惠二县之南界外，东至松花江。周围一千四五百里，为松、桦、椴、柞、榛、楸、榆、杨之林。其以窝集闻者有五处，分布于蒙、甸、永、磐、双等五县之境。

《吉林新志》 上／5／93—94

又见《吉林本省人文地理·自然部》

3. 吉林省四十八窝集

森林满语窝集（如以义释之，亦可谓树密为窝，可以居集），亦曰渥集，曰乌稽。清初吴汉槎诗有大乌稽行，小乌稽行是也。汉有南北沃沮，唐有扶余勿吉，明有渥集部，可见森林弥漫，自古已然。沃沮者兼指林中有水而言，殆即今之哈汤耳，故从水，但沃沮、扶余勿吉与乌稽、窝集等称，音转而实同。今吉林全省有四十八窝集，大者亘千余里，小者亦百数十里，蔽日干天，人迹罕到。分为长白山、小白山两系。其长白山系自山之西麓头道江、二道江，延蔓及蒙江、桦甸间之那尔轰各岭，老林绵亘千里。在前清严禁采伐。头道江以下采木，辄浮松花江而下运售良便，故经营者日盛。其小白山系在拉林河上游四合川附近，南抵张广才、老爷二岭，东迄敦化之黄花松甸子，迤及宾州、五常。自此而东而北片段连续，远接江省之汤原、萝北，又复有大林区焉。在沿中东路线，俄人以伐供铁道用木为名，于光绪二十三年后，得擅伐木之利，漫无制限。两系产树如果松、杉松、黄花松、紫白松、香柏松、榆、楸、椴等皆硕大坚致之材，其他杂木尤不可胜数。吉省东北两边距江河或火车道较远处，古所谓窝集之地尚延亘不断，枝柯纠结，翳障天日，下则水潦纵横，草叶腐积，盛夏草长交通为绝。林中产生一种马蜣万千成团，大者如蝼蛄，小者亦如蜜蜂，喙长四五分形同鸟喙，尖锐如利锥，追逐骡马螫吮其血，毛片为红，故马行经此，头摇耳扇，蹄蹴尾拂，终日不休，亦畏其荼毒也。而蚊虻之多更如烟尘，骡马被螫既甚，至惫不能举其

体，顷间蜚虫丛集成高丘，则葬身其内矣，人行故必携障面之皮罩①，仅露两目。

《吉林地理记要》 下/131

注①此字原书不清

又见《吉林旧闻录》

4. 长白山系与小白山系

吉省山脉，权舆白山（近人多认白山属之中干山东，泰岱北脉，从芝罘半岛渡海起，顶为旅顺铁山，东北行以长白山为中干尾脉。）主山分东西两系，长白山系北走东折，蟠郁延、珲诸边，歧入俄领东海滨省；小白山系顺松花江北行而东北折，直迄俄领鞑靼海岬，东系金属矿产尤丰，而连山老林，阴蔽丛积。两系之大林区，乃得四十有八。

《吉林地志》/2

5. 纳穆窝集与色齐窝集

老岭山脉(小白山脉)发自长白，尽于牡丹、松江之会，为二江之大分水岭。自长白正脉之英额岭分支西北，走于敦化、桦甸界上，为松花、牡丹二江诸源之分野，曰牡丹岭、富尔岭、新开岭。至额穆县西南境折东走，斜贯县内，为张广才岭。其上森林茂密，有著名之纳穆窝集及色齐窝集。老干百丈，枝叶蔽天，虽昼犹暗，向为吉林、宁安往来之孔道，省会东第二门户。

《吉林本省人文地理自然部》 2/1/6

6. 图们江流域森林

图们江森林则以未受斧斤之故，遂为吉林南部林产之冠。长白东干绵亘数千里，良材巨木荫蔽天日，几有太古洪荒之观。

《延吉边务报告》 7/12

7. 白头山南北麓森林

长白山顶即白头山，多灰石，山顶不生树木，山腹以下渐次为浓密之森林，榆、桦、松树之类遮蔽天日；南麓鸭绿江畔森林之区域，多属于韩国。延长六十里内外，幅十里，乃至二十里；其北麓沿松花江支流二道江岸，巨木极多，红松、杉松最多，以黄花松、柞、榛、榆为主，杨、柳间生。小者周四五尺，高不过五六丈，大者周二丈余，高二三十丈，甚为稠密。

《延吉边务报告》 7/13—14

8. 伊尔雅范山森林

长白山西北，即伊尔雅范山，为盛京吉林之界，其树以椴、松为多，杨、柳杂生。大者周一丈余，高至十余丈。沿头道江之地富于松、桦、柞树，林内不见空地。

《延吉边务报告》 7/14

9. 平顶山英额岭森林

平顶山英额岭地方，联接图们江与海兰河之间，树以松、桦、柞、柳、杨等为主。壮大者周至七八尺，高一丈四五尺至四五丈。数百清里之间不见天日。

《延吉边务报告》 7/14

10. 尔牙蛮哈达山森林

尔牙蛮哈达山之森林，北止于张广才岭，西延于松花江岸，东至哈尔巴岭一带，崇冈峻岭，茂树深林，亘百余里，纳秦窝集即属于此。索落河地方多涩树、杨树、柞树。威湖岭地方多松树，壮大者甚多。惟沿松花江至夹皮沟地方，产松、杨、柳、楸、榆等，伐采者甚多，稚树尚众。敦化县地方，二十年前为森林丛茂之地，开荒之后，渐次稀疏。通沟地方，涩、桦、楸等甚为密茂。

《延吉边务报告》 7/14—15

11. 嘎呀河流域旺青森林

属于嘎呀河之流域旺青附近一带，穆克特亨山之西侧地方，松种约占五成，楸、柞、桦、槐等次之。松及楸大者周围五六尺，高十余丈，其他周围三四尺，高七八丈者亦多。然木材全未输出，只供附近之要需。

《延吉边务报告》 7/14—15

12. 琿春河森林

琿春河森林，以琿春以东迄于沿海州地方之土们子为最。山之南面森林密茂，山北稍稀，多楸、椴、松、桦，大者周围四五尺，高七八丈。经琿春而输送于各地。

《延吉边务报告》 7/15

13. 布尔哈通河森林

属于布尔哈通河之林，产地以延吉厅为中心，北六里为北山森林，东西绵亘七八里，北方远连穆克特亨山。柞占大部分，桦、椴次之，周围三、四尺，高五、六丈者亦多。经延吉厅而输送于各地。

《延吉边务报告》 7/15—16

14. 吉林省窝集

窝集亦曰渥集，一曰乌稽，又曰阿机。吉林有四十八窝集，分为长白山、小白山两系。大抵在林木杂丛、夏多哈汤①、人马难行之处。树密为窝，可以居集皆称窝集。故自长白山及松花江沿岸以及三姓、宁古塔等处号为窝集部。往时因人迹稀少，采伐甚鲜，森林茂密，蓊茏弥漫。自俄人东清铁路成后，松花江轮船行驶，俄遂组成伐木公司，所供燃料取给于我，翦伐口②多，童山濯濯，不独向之所谓窝集者不复能见。将来取用既竭，仰求于人，异时受困悔之已晚，不可不

预为筹也。

《吉林汇征》/132—133

注①按：“哈汤”即指林中有水而言也。

注②此字原书不清晰。

15. 木伦部及奇雅喀喇窝集部

渥集者本窝集之音转，据满洲氏族原流考：乌苏里江西之木伦部、江东尼满河源之奇雅喀喇，皆渥集部。又清祖征渥集部，有自归之绥芬部，是今日穆棱县、东宁县、虎林县并俄属东海滨省之尼玛河、绥芬河流域，皆当年所谓渥集部也。

《鸡林旧闻录》/3—4

16. 今延吉、和龙、汪清等属，……森林蓊蔚，猎业斯兴；河流纵横，渔业兼适，皆农业之副产地，富饶为吉林省冠。

《鸡林旧闻录》1/24

附：皇帝御诗及御文

17. 圣祖仁皇帝御制诗《阅窝集》

古松林数十里，阴翳无际。非亭午夜分不见日月。

松林黯黯百十里，罕境偏为麋鹿游。雨雪飘萧难到地，啼鸟野草自春秋。

《吉林通志》 6 / 3

18. 圣祖仁皇帝御制文

窝集东至海边，接连乌拉。或宽或窄，众林密树，鳞次栉比，阳景罕曜。如松柏及各种木树，皆以类相从，不杂他木。林中落叶，常积数尺许。泉水、雨水至此，皆不能流，尽为泥滓，人行甚难。其地有熊及野豕、貂鼠、黑白灰鼠等物，皆资松子、橡栗以为食。又产人蔘及各种药材，人多有不能辨识者，与南方湖南、四川相类。

《吉林通志》 6 / 33

19. 高宗纯皇帝御制诗《驻蹕库勒纳窝集口占》

窝集夫何许？遥瞻已不凡。真堪称树海，乍可悟华严，紫翠纷闻砢；茏葱锁萼岩。恰如望瀛渤，未饮早知咸。

《吉林通志》 6 / 15

20. 高宗纯皇帝御制诗《窝集行》

履山念无海，泛水忌有陆。
今兹识窝集，万汇惟一木。

江南塞北线概频，岂无林箐皆子孙。
东方甲乙禀灵秀，固应富有植类群。
始从茈厖入麓口，渐进萧森失见后。
祇容线隙露天光，马弗敢旁遵路走。
不能倭举丹黄青，亦有翻书莫辨名。
《尔雅》所纪限方域 安能到此杞宋征。
参天蔽亏绝飞鸟，其下菁英茁仙草。
落叶布地似黄金，疑是长者来问道。
华严海会诸彦处，一菩萨一菩提树。
心花显映多吉祥，世尘远隔如云雾。
宇宙以来便有此，大椿扶桑非其比。
定然默烦灵祇呵，不知递阅人代几。
阴晴变幻光怪奇，谷神出巧能尔为。
画师未可形容拟，大匠詎敢斤斧斯。
初经奥壤心神清，色惟真色声真声。
欲笑嵇含花木疏，点笔聊为窝集行。

《吉林通志》6/15

长白山林区窝集调查表

名称 (窝集二字省)	位置	今地概况	见书	备考
玛尔瑚哩 (窝远之意)	吉林城东 610里	宁安县南境玛尔瑚 哩岭	吉林通志	
琿托和 (一半之意)	同上 760里	延吉北境老松岭— 带	同上	
夏赫 (一作尼叶赫野鸭之意)	同上 800里	汪清北境老松岭— 带	同上	
苏托哈 (十二地支之巳也)	同上 1000里	东宁西境老松岭东 麓	同上	
勒富 (熊也)	吉林城东南 1540里	琿春北境高丽岭— 带	同上	勒富河发源
布达	同上 1700里	同上	同上	
玛延 (亦作密占长披箭也)	宁古塔城东 660里	东宁东南部	同上	又在城西北或即见吉林城东北四百五十里。
佛楞	同上 87里	宁安南境老松岭	同上	
呼兰	同上 600里	东宁南部	同上	

索尔和绰	同	上 100里	宁安南境老松岭上	同	上
阿尔哈			老松岭一带	钱梭 本国人文地理	
塔克通阿			略同上	同	上
特林	宁古塔城东南 120里		宁安东南境老松岭 一带	吉林通志	

《吉林新志》 5/93—106

22. 完达林区窝集调查表

名称	位置	今地概况	见书	备考
小窝集 (窝集二字下略)	吉林省东北 830里	勃利、密山之间完 达脉上。	吉林通志	
佛勒亨(草棚也)	同上 1,500里	虎林、饶河之间完 达脉上	同上	
毕展(边也)	同上 1,700里	饶河境内。	同上	又一在苇河东境老 岭脉上。
大克穆尼 (青麻之意)	同上 1,740里	饶河境内。	同上	

吉林 (带之意)	同 上	抚远境内	同 上	
珊延毕尔罕 (毕尔罕, 浅水细流也)	同 2,100里 宁古塔城东 50里	穆棱、宁安间完达 脉上	同 上	
穆 棱	同 上 200里	穆棱南境完达脉上	同 上	穆棱及绥芬河发源
呼锡哈哩	同 上 东 55里	穆棱、宁安间完达 脉上	同 上	
特 林	同 上 东南 120里	宁安东南完达脉上	同 上	
扎 穆 图 (蒙古有路也)	同 宁古塔东北 130里	穆棱西境完达脉上	同 上	
舍赫 (托林也)	同 上 130里	略 同 上	同 上	
富 达 密 (蒙语呕吐之意)	同 上 130里	略 同 上	同 上	
萨尔布 (开展也)	同 上 160里	穆棱西北境	同 上	
舒 兰 (果汁也)	同 上 290里	穆棱北境龙爪沟岭 一带	同 上	
阿 木 兰 (前后之后也)	同 上 320里	密山西南黄窝山一 带	同 上	阿木兰河源
安 巴 毕 喇 (毕喇河也)	同 上 380里	略 同 上	同 上	安巴河源

呵拉哈	同	上 630余里	密山、勃利间奔松 子岭一带	同	上
半拉	三姓城东北 135里		依兰境内完达脉上	同	上
阿几个			完达脉上	钱祿梭著 本国人文地理	
黄			密山南境黄窝集山	本省地图	

《吉林新志》5/93—106

23.

老岭林区窝集调查表

名称 (窝集二字省)	位置	今地	概要	见书	备注
纳穆 (生菜之意)	吉林城东 120里	额穆、永吉之 间东老岭附近	吉林通志 第19卷	城东诸河发源	
塞齐 (划破即开辟之意)	同上 212里	额穆县西境	同上	城东及宁古塔诸河发源。	
色勒 (铁也)	吉林城东南 450里	敦化西境新开岭	同上		
纳秦 (海青也)	同上 730里	敦化东南境牡丹岭	同上	长白之北城南诸河发源。	

锡兰 (相连也)	吉林城东北 195里	舒兰境内庆岭一带	同	上	
和伦 (威武也)	同上 450里	额穆西北境滚马岭 一带			
海兰 (榆树也)	同上西北 200里	宁安西北部毕展窝 集南	同	上	西接毕尔罕窝集与玛 展窝集相连数百里。
玛展	同上 120里	宁安西北部大盘岭 脉	同	上	密占河源处 (此处玛 展、密占系同音转异)
毕尔罕	同上 290里	老岭脉上	同	上	西接塞济窝集、和伦 窝集。
毕展	同上	同上	同	上	
阿斯罕		同上			钱祿棱著本国人文地理

《吉林新志》5/93—106

24.

吉林哈达林区窝集调查表

名称 (窝集二字省)	位置	今地概况	见书	备考
库勒纳	吉林城西南 140里	永吉西南境、磐石 北境	吉林通志	城西诸河源东接库勒 纳，北接库楞窝集其南 即长岭子。